

Graf Rudolf von Werdenberg von Sargans¹ als Vogt
der Kinder seines Bruders Hartmann von Werdenberg von
Sargans zu Vaduz³ und Graf Albrecht von Werden-
berg-Heiligenberg² teilen ihre Rechte in der Grafschaft
Walgau.

Ich Graue Rüdolff von werdenberg genant von sant
Gans¹. vnd ich Graue Albrecht von werdenberg der elter²
Tügind kvnt vnd vergehent offenlich An disem brief Allen den die in
Ansehent oder hörent lesen . . Vmbe die Gräfschaft in walgowe .
vnd vmb dū recht vnd Stūke, dar vmbe / ich . . der vorgenant Grāf
Rüdolff von Sant Gans¹, An Grauen Hartmans von wer-
denberg, mines lieben brüders sāligen kind³ stat vnd von iro
wegen wan ich iro gerechter vogt bin, mit dem obgenanten Grauen
Albrecht von werdenberg², vntz vf den hütigen tag, als
dirre brief geben ist, stössig gewesen / bin, dis nachgeschribenen stuk
vnd Richtvnge zeende bracht vnd vollefüret han, als hie nach be-
schaiden ist Von erste vergich ich vrogenanter Graue . . albrecht
von werdenberg² für mich vnd für min erben, das ich mich gen
den obgenanten Grauen Hartmans kinden³, vnd gen iren erben
entzigen han vnd / entziche, der vrogenanten Gräfschaft . . das weder
ich noch min erben, si dar an nit irren noch krenken süllint, won
also vnd mit söllichem gedingde das mir vnd minen erben, vnd den
vrogenanten . . Grauen Hartmans kinden³ vnd iren erben, dis
nachgeschribenen recht vnd stuke. zeietwederm taile / behalten sont
sin, als hienach mit worten verschriben vnd beschaiden ist, . . Ez ist
berett vmbe harkomen. lüt⁴, alle die lüte, die ich vrogenanter Graf . .
albrecht² vntz vf den hütigen tage als dirre brief geben ist inne
hab, die sont min vnd miner erben sin, vnd vns vnansprächig be-
liben, von Graue Hartmans / kinden³ vnd von iren erben . . was
lüt aber hinnenhin, von dem hütigen tag, in walgowe, ald in
Montafvn züchent ald sesshaft werdent, oder do wönent, die sont
den vrogenanten Grauen Hartmans kinden³ vnd iren erben be-
liben vnd vnansprächig sin von mir vrogenanten Graue . . alb-